

Ҳаж 2025: Илк парвозлар куни маълум қилинди



14:53 / 26.04.2025 1735

Саудия Арабистони 2025/1446 ҳижрий йилги ҳаж мавсумига тайёргарлик кўраётганини маълум қилди. Бу ҳақда theislamicinformation.com сайти хабар берди.

Маълумотларга кўра, ҳаж зиёратчилари учун бу йилги илк парвозлар 29 апрелдан бошланиши режалаштирилган. Саудия Арабистони Ҳаж ва Умра вазирлиги зиёратчиларни кутиб олиш, уларни жойлаштириш, барча шарт-шароитларни таъминлаш бўйича тайёргарлик ишларини олиб бормоқда.

Зиёратчилар Жиддадаги Қирол Абдулазиз халқаро аэропорти орқали муқаддас масканга етиб келишади. У ерда зиёратчилар ҳаж учун махсус тайёрланган терминаллар орқали қабул қилиниши мўлжалланган. Махсус ҳаж терминали ташриф буюрувчиларни тез ва осон қабул қилишга хизмат қилади.

Шунингдек, Қироллик ҳаж зиёратини тартибга солиш мақсадида бир қатор қоидаларни жорий қилди. Жумладан, умра зиёратчилари 2025 йил 29 апрелга қадар мамлакатни тарк этишлари кўрсатилган. Расмийлар зиёратчиларнинг хавфсизлиги ва соғлиғини таъминлаш энг муҳим вазифа эканини таъкидлаган.